

MEMORANDUM
o međusobnoj saradnji

Zaključen između:

***Grada Sarajeva, ul. Hamdije Kreševljakovića br. 3, Sarajevo,
koga predstavlja gradonačelnik, mr. Abdulah Skaka***

***Općina Stari Grad Sarajevo, ul. Zelenih beretki br. 4, Sarajevo,
koju predstavlja načelnik, mr. Ibrahim Hadžibajrić***

***Općina Istočni Stari Grad, ul. Hreša, Istočno Sarajevo,
koju predstavlja načelnik Bojo Gašanović***

***Općina Pale, ul. Romanija br.15, Pale,
koju predstavlja načelnik Boško Jugović***

U daljem tekstu: Potpisnici memoranduma

Vođeni zajedničkim vizijama, ciljevima i interesima za saradnju i djelovanje na projektu biciklističke staze Sarajevo-Pale, Potpisnici memoranduma usaglasili su se o sljedećem:

- Da između Potpisnika memoranduma postoji zajednički interes za međusobnu saradnju i djelovanje na projektu biciklističke staze Sarajevo-Pale,
- Da će daljnji kontakti i odnosi između Potpisnika memoranduma, doprinijeti realizaciji zajedničkog projekta, te jačanju prijateljskih odnosa;
- Da će Potpisnici memoranduma zajednički pristupiti realizaciji projekta, s ciljem razvoja turističke i sportske ponude na području Grada i Općina;
- Da će Potpisnici kroz formiranje Radne grupe u saradnji sa ostalim partnerima projekta (Delegacije Evropske Unije u BiH i Deutsche Gesellschaft für Internationale Zusammenarbeit (GIZ) GmbH) aktivno raditi na realizaciji Projekta;

Član 1.

Predmet ovog Memoranduma o međusobnoj saradnji (u daljem tekstu: „Memorandum“) je uspostavljenje saradnje između Grada Sarajeva, Općine Stari Grad Sarajevo, Općine Istočni Stari Grad i Općine Pale i ostalih partnera u realizaciji zajedničkih aktivnosti projekata Biciklističke staze Sarajevo-Pale.

Potpisnici memoranduma će zajednički i koordinisano raditi na razvoju i unaprijeđenju Projekta.

Član 2.

Potpisivanjem ovog Memoranduma Potpisnici su saglasni da će sarađivati i realizirati aktivnosti na projektu Biciklističke staze Sarajevo-Pale i to:

- Potpisnici Memoranduma će zajednički i koordinisano raditi na aktivnostima, razmjeni informacija, dobijanju potrebnih saglasnosti, a u cilju što brže i uspješnije implementacije i razvoja Projekta;
- Potpisnici će delegirati Rješenjem po dvije osobe iz svojih lokalnih samouprava koje će biti dio Radne grupe, a koja će biti zadužena da zajedno sa ostalim partnerima u projektu provodi i implementira aktivnosti projekta.

Član 3.

Potpisnici Memoranduma obavezuju se da će ravnopravno učestvovati u projektnim aktivnostima te obezbjediti odgovarajući angažman raspoloživih ljudskih i tehničkih resursa za sve aktivnosti koje će biti definisane u okviru planskih dokumenata.

Član 4.

Na temelju ovog Memoranduma neprestano će se utvrđivati aktivnosti na projektu do kraja implementacije istog.

Član 5.

Ovaj Memorandum se sklapa na period dok traju aktivnosti, što će biti naknadno definisano strateškim i akcionim dokumentima.

Član 6.

Potpisivanjem ovog Memoranduma, Potpisnici potvrđuju da razumiju sadržaj Memoranduma koji je sačinjen u dobroj vjeri i potpisani svjesno i svojevoljno.

Član 7.

Ovaj memorandum je sačinjen u četiri (4) istovjetna primjerka od kojih svaki potpisnik zadržava po jedan primjerak.

Grad Sarajevo
GRADONAČELNIK
mr Abdulah Skaka

Općina Stari Grad Sarajevo
NAČELNIK
mr Ibrahim Hadžibajrić

Općina Istočni Stari Grad
NAČELNIK
Bojo Gašanović

Općina Pale
NAČELNIK
Boško Jugović